



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

47. De purificatione post partum

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

gruam refectionem sufficiat. 4. Labor corporalis, ubi tamen notandæ propositiones dantur ab *Alex. VII. 30.* sic habet: *Omnes officiales in Rep. corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio.* & 31. *Excusantur ab obligatione à præcepto jejunii omnes illi, qui iter agunt, quando, utcumque iter agant, etiamsi iter necessarium sit, & etiamsi iter unius diei consciant.* 5. *Excusatio* sive opus præstantius & Deo gratius imcompatibile cum jejunio. 6. *Dispensatio.* dum causa alia non est evidens, sed dubia; est dispensatio petenda à superiore, qui respectu regularium est superior localis, respectu secularium Episcopus, vel eo absente, aut, juxta mentem etiam præsentem Parochus, juxta cujusque diocesis consuetudinem.

TITULUS XLVII.

De Purificatione post partum.

QU. *An & quanto tempore puerperis ab ingressu templi &c.?* Resp. 1. In *L. de C.* præceptum quidem divinum erat *Levit. 12.* quod præceperantur foeminae ab ingressu templi per 40 dies, si masculum; per 80. si foemellam peperissent; hodie tamen illud utpote ceremoniale abolitum est, ut mulieri, si velit & possit, statim post partum templum liceat ingredi, nec peccet si secluso contemptu se negligat purificari. *h. t.*

Mortiferum interim non est præceptum purificationis, cum Leges ceremoniales tantum typica (non religiosa, qualis est lex purificationis post partum, lex decimarum) sint mortiferæ: hinc honestè adhuc observatur in Lege gratiæ, & consuetudo videtur habere, ut & abstineant mulieres per aliquot hebdomadas ab ingressu Ecclesiæ; & illam dein præviâ benedictione &c. introducantur. 2. Ubi consuetudo contrarium non habet, introductio illa mulierum & benedictio privativè ad Parochum spectat, juxta Declarat. S. Congreg. Conc. in *Antverpiens.* 19. Nov. 1662. &c.

TITULUS XLVIII.

De Ecclesiis ædificandis vel reparandis.

Q. 1. *Quanam requirantur ad novæ Ecclesiæ constructionem?* Resp. 1. Justa causa. 2. Consensus Episcopi vel expressus vel tacitus, etiam subsequens. c. 4. de priv. in 6. qui hunc sine justa causa negare non potest pro Ecclesiis novis construendis; pro oratoriis privatis consensus Episcopi necessarius non est. can. 33. & 35. dist. 1. de Consecr. Ut tamen in iis legantur sacra, facultatem absque rationabili causâ non rectè concedit Episcopus. Trid. Sess. 22. de Sacrif. Miss. c. 8. 3. Locus congruus, in quo Episcopus vel per se vel per alium crucem figat & primum lapidem ponat. c. 9. dist. 1. de Consecr. 4. Dos congrua. c. 1. dist. 1. de Consecr. 5. Ut Ecclesia noviter erigenda non vergat